

PRAVILNIK O ČLANSTVU I ČLANARINI U MEDŽLISU ISLAMSKE ZAJEDNICE TUZLA

(Izvod iz Pravilnika)

- ❖ Član Islamske zajednice u Bosni i Hercegovini je njezin pripadnik koji prihvati članstvo u Islamskoj zajednici i izvršava propisane obaveze na temelju čega se evidentira u matičnu evidenciju članova Medžlisa Islamske zajednice Tuzla. (Član 2)
- ❖ Članom Islamske zajednice se postaje davanjem izjave o prihvatanju članstva i plaćanjem članarine kod Medžlisa Islamske zajednice Tuzla prema mjestu prebivališta. (Član 3, stav 1)

Izjava o prihvatanju članstva iz stava (1) ovog člana daje se na posebnom Obrascu 1, koji je sastavni dio ovog Pravilnika. (Član 3, stav 2)

Ispunjavanjem uvjeta iz stava (1) ovog člana postaje se članom Islamske zajednice i stiču se prava i prihvataju obaveze utvrđene propisima Islamske zajednice. (Član 3, stav 3)

Period članstva je jedinstven u smislu ostvarenja prava u skladu s ovim Pravilnikom. (Član 3, stav 4)
- ❖ Članovi Medžlisa Islamske zajednice Tuzla dužni su redovno plaćati obavezu članarinu. (Član 5, stav 3)

Iz članarine proizilaze prava i obaveze regulisane ovim Pravilnikom. (Član 5, stav 4)
- ❖ Iznos članarine svojom odlukom utvrđuje Izvršni odbor Medžlisa Islamske zajednice Tuzla prije početka svake kalendarske godine. (Član 6, stav 1)

Na utvrđeni iznos članarine saglasnost daje nadležno muftijstvo. (Član 6, stav 2)

Ukoliko nadležni organ, u roku iz stava (1) ovog člana ne utvrdi iznos članarine, do donošenja odluke, primjenjuje se iznos članarine za prethodnu godinu. (Član 6, stav 3)
- ❖ Članarina Islamske zajednice je jedinstvena i centralizovana na području Medžlisa Islamske zajednice Tuzla. (Član 7, stav 1)
- ❖ Članarina Islamske zajednice određuje se po domaćinstvu. (Član 8, stav 1)

Domaćinstvo u skladu s ovim Pravilnikom podrazumijeva supružnike i djecu do navršenih 26 godina života, osim u slučaju stupanja u brak ili zasnivanja radnog odnosa djeteta prije navršenih 26 godina života. (Član 8, stav 2)

Za dijete koje navršiti 26 godina života ili stupi u bračnu zajednicu ili zasnjuje radni odnos nastaje obaveza samostalnog plaćanja članarine, a prava koja su stečena u domaćinstvu s roditeljima prenose se na njegovu člansku knjižicu. (Član 8, stav 3)
- ❖ Članarina se može plaćati mjesečno, kvartalno, polugodišnje i godišnje, a najkasnije do 31. 12. za tekuću godinu. (Član 9, stav 2)

Član nema pravo na povrat uplaćene članarine u slučaju prestanka članstva. (Član 9, stav 3)

Član koji djelimično uplati članarinu u tekućoj godini preostali iznos članarine može uplatiti najkasnije do 31. decembra iduće godine. (Član 9, stav 4)

Naplata članarina vrši se na blagajni Medžlisa dok u džematima naplatu vrši blagajnik džemata. (Član 9, stav 5)

- ❖ Plaćanjem članarine članovi Islamske zajednice omogućavaju izvršavanje obreda i drugih aktivnosti u džamijama, kako slijedi:
 - a) dnevni namazi, b) džuma namaz, c) bajram namazi, d) teravih namaz, e) mektebska nastava za djecu, f) ostali vidovi vjerske edukacije, g) džematske svečanosti, h) te drugi vjerski programi Islamske zajednice u Bosni i Hercegovini. (Član 10, stav 1)Članovi i pripadnici Islamske zajednice na području cijele Islamske zajednice ostvaruju prava iz prethodnog stava. (Član 10, stav 2)
- ❖ Pored prava iz člana 10. ovog Pravilnika, član ostvaruje i sljedeća prava:
 - a) da učestvuje u izborima u Islamskoj zajednici, da bira i bude biran, u skladu s propisima Islamske zajednice,
 - b) da učestvuje u radu organa Islamske zajednice, kroz džematsku skupštinu i druge organe u koje bude izabran,
 - c) da može aktivno učestvovati u džematskim aktivnostima, koje organiziraju organi i službenici Islamske zajednice,
 - d) da se može obraćati organima Islamske zajednice radi zaštite svojih vjerskih prava,
 - e) da mu se klanja dženezama namaz i obavi učenje na kaburu od strane jednog imama. (Član 11)
- ❖ Član Medžlisa Islamske zajednice Tuzla ima pravo na pružanje vjerskih i pokopnih usluga koje prate obavljanje dženezama na području Medžlisa Islamske zajednice Tuzla uz plaćanje naknade u skladu s Odlukom Izvršnog odbora Medžlisa Islamske zajednice Tuzla. (Član 12, stav 1)
Član Islamske zajednice ima pravo na ukop u mezarjima u vlasništvu ili posjedu Medžlisa Islamske zajednice Tuzla. (Član 12, stav 2)
- ❖ Članu prestaje članstvo u Islamskoj zajednici neizvršavanjem obaveze plaćanja članarine za tekuću godinu protekom 31. decembra naredne godine. (Član 19, stav 2)
Član Islamske zajednice koji izgubi status člana može se ponovo učlaniti u skladu s uvjetima utvrđenim Odlukom Izvršnog odbora Medžlisa i ovog Pravilnika. (Član 19, stav 3)